

薛荔山房藏稿

第四卷

五言絕句

早步廬山麓口占

泉飛百丈澗日掛九奇峯  
兩袖拂青冥泠然欲  
御風

夜坐口占

風微樹交靜天高星漸繁  
無人陪笑語獨坐月  
開尊

蛙聲喧四起唧唧草虫吟吹萬咸自取中夜獨披襟

短髮任意搔蕭蕭自酒豪百年人有幾得醉且酩酊

古道不可作悠悠逐世氛何如一尊酒變態任浮雲

詰鳥

莫禽真造次歸飛有底急處處一枝安何不早

歛戢

鳥聲何太早未明先報道  
山中正高枕無事空  
煩惱

春夏以來水旱相仍嗷嗷衆口待命秋稼  
經旬不雨更復洶涌明日及社為詰社  
神四章

水潦連春夏秋來雨澤稀  
明朝修報祀何以慰  
啼饑

靜日掩柴扉  
鷄豚那得肥  
家家仍賽社  
幾見醉人歸

堯田無旱魃  
湯野少橫流  
身逢全盛世  
明主却兼憂

春祈不果腹  
秋報尚操盂  
莫道穰田狹  
盤中是米珠

送內子歸山值雪

靈輻戒明發  
縞素徧山原  
寧有西池會  
瑤花綴

旒旒

黯黯垂雲黑紛紛雨雪飛素車誰執紼瀟瀟是  
湘妃

悼亡冬夜永天亦慘空帷淚向寒風洒翻成白  
雪飛

送子到窮泉悲風動几筵豈應銀世界清淨了  
前緣

烏語

坐聽林啼鳥能調百韵生豈應聞說法流利舌  
根清

山中鳴自性百轉更稱奇何似人間巧如簧獨  
可嗤

題雉魚

謾問濠梁樂相看意自親悠然赴深瀨靜者莫  
垂綸

浮沉爭下上小大自縱橫鱗甲真堪數天空水

鏡清

枕上

終夜勞春夢忽聞啼鳥聲喚回欹枕望牕曙報  
新晴

十八夜夢中彷彿自吟

丹桂眇何許天香只尺間乘風動秋興扳折數  
枝還

秋夜偶吟



倒景流霞散籠烟澹月浮四無人語處淒切不  
勝秋

露月湛虛明浮雲漠漠生秋風吹欲斷飄影度  
山城

江南秋欲盡塞鴈尚無聲也厭南中苦遲回北  
斗城

來薰對牡丹送謝吉甫東遊

看花休造次對酒莫逡巡握手柴門外頻來有

幾人

白首窮交日青春惜別時  
鳥啼花自發藜杖獨  
攲頤

征馬嘶芳草栖禽戀夕曛  
浩歌一為別春樹隔  
江雲

津柳千條弱烟花三月殘  
春潮乘暮雨何處障  
回瀾

重遊雙林釋子慧如索書

世情從髮短幽興逐年增  
休沐來僧舍人今有  
舊燈

自燈還自照無去亦無來  
二十年間事曇花幾  
度開

七言絕句

早雪走筆汝培欲從一醉  
乃報以是日復  
任戲貽一絕

擬向山陰一棹回  
傳聞驄馬入西臺  
惟它雪色

偏如許元逐霜威塞上來

黃文叔歸自廣陵不貽一訊詩以嘲之并

示懷焉

揚州誇鶴隔年還未候鷄鳴  
早度關梅柳一春俱已盡  
移文空自勒鐘山

壽黃侯母王太安人七十

代家君

翩翩青鳥自西來為報瑤池壽域開  
借問蟠桃今幾熟東方還許得偷回

來歌壽母慶黃堂  
兩鬢婆婆喜欲狂  
絳老不知籌中子  
咲看海日上扶桑

學博馮廷對選應省試寄贈

幾度菱歌驚落紅  
若耶溪上怨東風  
浣沙舊侶今誰在  
此日西家却不同  
空傳市駿築金臺  
願得孫陽一顧回  
此去定增千里價  
五花汗血是龍媒

走簡叔書兄索菊

自厭承明侍，泛勞歸來三徑滿。蓬蒿何緣乞得東籬菊，潦倒還堪對濁醪。

君家世業友黃花，秋色年年對夕佳。已許階前分數種，荷鋤帶雨待霜葩。

午日獨坐口占

試剪新蒲泛濁醪，不勝簪艾首蓬搔。坐來細把離騷讀，風偃長林振怒濤。

層陰迢遞曳重阿，鳩喚山中雨一蓑。村鼓亂槌

何處起聲聲遙唱楚江歌

瑞蓮曲

大淑仙源春色繁誰分一種到文園驪珠會向  
池中現鳳采驚看葉底翻

長樂曾聞產瑞蓮玉堂歌咏競傳宣山中拊舞  
無因見分得餘芳祝 聖年

大羅受記玉京春常染天香侍 聖人歸到水  
亭栽菡萏紅雲猶自捧絲綸

綠蓋紅英出水同開來巧樣有神工金莖不用  
承仙掌湛露漚漚萬蓋中

兩浣紅芳淨更妍綠珠擎蓋水宮仙當年范蠡  
如相遇不載西施只載蓮

浴罷紅波出大真含嬌解語若為親 君王久  
厭清平調只共園葵向 紫宸

亭中載酒客頻來大愛名花取次開灌頂有時  
親掬水賞心無那共啣盃



醉眼看花興轉濃  
霓裳雲錦繡夫容  
蓬萊仙子淩波起  
玉女招搖太華峯

雨中春望

東風吹雨過前山  
四望青青獨閉關  
數點梅花低欲舞  
鷓鴣聲裏水潺湲

午日口號哭先史公

每逢佳節倍思親  
去歲茲辰進酒頻  
白水新蒲猶在御  
可能含咲一沾唇

每逢佳節倍思親  
角黍還誰吊  
楚臣虎豹九關  
天問遠招魂  
無計獨沾巾

每逢佳節倍思親  
寂莫高堂暗  
落塵空道五絲  
能續命  
八千不見有靈椿

每逢佳節倍思親  
果摘園林又獻新  
依舊諸孫  
爭戲取  
不聞嗔咲黯傷神

觀蓮

涼風欲作催花雨  
先舞紅衣學醉僊  
斗酒鱸魚

如可問杖頭不惜百文錢

池蓮新開狂風半折戲題二絕

不緣解珮逢交甫那向風前損綠裳  
雲雨陽臺都是夢飄揚莫逐楚襄王

亭亭獨立狂風後冉冉偏傳水榭香  
自是綠郎太嬌怯紅顏不減舊時粧

布穀

習隱為園且學耕山禽底許重關情  
年年催布

人間穀何事人間有餓氓

北山曲為蔣乾初尊人北山翁壽

北固山陽古洞天五湖光景一簾懸  
玉人何處吹簫度碧海茫茫散紫烟

手握乾坤長五湖縱橫六子鼓洪爐  
乘鸞忽謾過緱嶺錯落靈苞鳳采殊

彤雲瑞旭靄江關寶軸銀緋暎玉顏  
春滿東湖開壽酒天迴北斗酌南山

鳴珂仙子入天閭  
霍髮仙翁酌玉漿  
醉擁三山高卧穩  
蓬萊一意侍君王

為叔泉兄題扇面梅

寒色千秋餞夕暉  
獨存黯淡伴芳菲  
何來一曲陽春調  
六月山中白雪飛

祠部張惟寅奉使駐錦城  
樓居新構環睨諸勝俯瞰錦江  
爰製八詠用標奇觀枉示山中  
各為絕句往荅恨弗遊目聊寄

賞心

萬疊芙蓉玉削成  
錦屏翠繞錦江城  
種蓮仙子歸何處  
朶朶紅雲捧日明

錦水澄涵蜀水清  
蜀江險讓錦江平  
魚龍穩逐雷聲動  
日月雙懸鏡裏行

宛宛青龍日夜浮  
橫波砥柱鎮千秋  
金鰲那得人間有  
玉竦疑從天上遊

西岼春烟萬井浮  
直懸銀漢界中流  
樓臺平出

天河上縹緲軒櫺宿斗牛

月白沙清滿露衣絲綸芳餌綠苔磯六鰲引動  
驚濤湧欸乃長歌啓曙暉

江城曙色抱沈沈隔岼鐘聲出梵林敲落殘星  
三五點晴光詼蕩散春陰

千山月曉水明樓簾捲微風澹蕩浮皓白滿城  
渾欲動仙槎疑汎到神洲

綸巾羽扇博山爐玉麈玄經五岳圖一曲南薰

來滿座羲皇白日到曾無

次芾斯宗侯十哀寄悼仲君貞吉

一札遙傳憶昨秋  
翛然為報祝融遊  
衡陽不見王孫屐  
湘竹俄驚帝子愁

二妙同携醉豫章  
論交兩不厭清狂  
西山南浦閒雲雨  
何日重來為罷觴

三月鶯花爛熳時  
賞心無計滯歸期  
恠來棣萼停觴咏  
轉入池塘苦夢思



卷四  
四愁詩罷杜鵑鳴懷贈何從報赤瑛却恨歲星  
人不識騫騰月下獨騎鯨

五老招邀玉案前百篇斗酒問青蓮  
夜來忽聽吹簫去千載南洲一榻懸

六翮逍遙運海濱神洲一氣散氤氲  
脊令何用悲歌急霄漢垂雲傍五君

七發空觀淮海秋翻成一曲廣陵愁  
月明莫聽彭湖雁帶得濤聲上夕樓

八斗聲華擅季方無雙內行羨黃郎不須縞素  
懷遺恨地下還應戒錦囊

九辨空嗟怨落暉了心今日解尋歸若逢隻履  
西天去定悔當年折葦非

十里湖光冷画屏總帷殘燼落秋螢古來惟有  
知音恨詩品還誰慙夜局

雨後課豎圃中即事

帶雨扶筇剖菊漿分畦指點課家僮竹屏更寫

瀟湘翠菡萏新添水檻紅

過叔澄兄洞中見園林小梅數種口占

松臯竹塢別藏天洞口  
金仙坐寶蓮可是雨花  
開淨土小梅無數占春先

早起觀牡丹

扶疎綠嫩晴風軟  
旖旎紅嬌露日濃  
不是洛神逢解珮  
掌珠戲舞探驪龍

風雨苦寒田家謠四首

三月蕭蕭坐閉關田家風雨淚潺湲持竿逐雀  
爭饑噪決潘看茅乞種艱

一年水潦一年乾猶記前年稻米殘斗種百錢  
無處買何須風雨更添寒

大麥垂黃小麥榮行看布種待新晴林鳩不管  
人間苦盡日呼雲弄雨聲

百畝幾年逢一飽支贏猶自急官錢嗷嗷那得  
回天意顆粒須為國計憐

題宋一中畫馬

空群毛骨自憐奇  
頽仰乾坤有所思  
不向瑤池追八駿  
和鸞清暇奉驅馳

樵舍阻風

無數小舟爭下上  
孤篷獨倚滯江頭  
應知斥鷃枋榆遠  
却笑鷗鵬九萬遊

歸舟得風

卧穩不知舟遠近  
惟聞枕上水聲潺  
呼僮問有

餘尊在急起推牕醉看山

同象乾舟中襍咏即贈

山館論文重客卿相携一月共江行清尊不盡  
燈前語風雨時聞短劒鳴

桐江晚眺

夾岸危巒一水懸掀簾村樹隱輕烟麥濤綠湧  
嵐浮翠又倚斜陽問駐舡

查孝廉招同包比部伯子伯光仲子仁卿

吳太學以能飲靈隱訪弢光道人還遊

飛來峰

歷盡孤山入北峯  
梵林深鎖萬年松  
朅來此地尋真隱  
誰領空門第一宗

謾拍飛來歷翠微  
望中山色總堪飛  
雲流洞口迷歸路  
乳滴璫漿濺客衣

莫景

綠隄深映蓼花紅  
細雨高帆拂遠空  
蟬噪鳥呼

驚夕照青山萬壑掛長虹

七級闌午繫舟柳岸同徐張二上舍布席  
少憇登舟小酌適值風雨次荅徐太學  
風綰柳隄侵纜綠雨沾草幔入簾驕一尊自醉  
空淹客暑氣全憑咲語消

僧憑菴范佛像入京來訪

丈六金身何處現三千里路到長安應知化國  
元多寶故轉如來示涅槃



七夕

當時帝遣年年會莫怨靈禽報喜遲  
只尺漢宮雙闕裏玉階零露幾差池

花燭詞

廣陵碩所建求

翩翩獨步迴風塵玉映閨房錦瑟新  
何用隋隄襍歌管合歡裁調揔陽春

座中因咏無人知道外邊寒戲題

迴風急雪舞簷端莫道宮中不識寒  
杯酒微酣

看花徑却誇瓊樹玉闌干

歸舟

順颿輕舸蠡湖西回首匡廬暮雨迷計日到家  
旬已再小園芳草定萋萋

口號

東風搖颺雨絲飛點綴階前草色肥坐憶寒梅  
幽谷裏暗香浮動遲春暉

花枝欲發低含雨樹色遙連密鎖烟橫遂弄春

鷄唱午鳥聲相和到窓前

送穀餘孟太府擢滇南憲副

五馬遙臨道院開  
山田碧落擢春臺  
瑤琴夜半鶯鳴  
雀綠竹堂前月滿苔

鳳皇山下錦為河  
春水魚龍變化多  
獨有波臣無限恨  
楚天長倚望江沱

東下樓舫壯繫胡  
千山寶藏盡歸輸  
蓬萊深拱收群策  
誰似監門抱繪圖

聖主當年寵直臣  
昆明萬里控風塵  
于今拊髀

思江漢又遣旬宣薦  
滌蘋

孟侯祖壽泉武廟時諫南巡廷杖肅廟錄用歷滇大參憲長

為叔孔兄題便面送鄒茂才

南山有喬北有梓  
亭榭映發崖懸水  
立談都似上皇人  
遙指青雲看躡履

几日擬登三建阻  
雨同諸大諸從飲寶綸

樓

枕上初驚葉有聲  
起視雲山不放晴  
獨立東籬

誰送酒菊黃欲吐細香生

年年載酒共躋攀此日凭闌望故山  
杳靄忽看蒼翠合白雲獨占老僧閒

歸雁

風雨江南春較遲迢迢北鴈趁歸期  
到來關塞知春莫草色還應似舊時

旅蘆深寄水雲鄉何事南征又北翔  
不是月明聞鴈起欲將春色到沙場

問花

花枝無意領春風  
獨見櫻桃一樹紅  
酌酒問花花不語  
前山雨色尚溟濛

為圃

誅茆為圃細疏渠  
手把遺編日課勑  
何事春風苦相妬  
熏人欲醉亂吹書

雨中玉蘭

冰飢含潤倚東風  
縹緲瑤臺烟雨中  
醉眼老來

渾不定條然屬玉下瑤空

偶成

雨不成點雲亂飛鳩啼深樹鳥倦歸檢詩乘興  
酌春酒手課植花編竹幃

雨中

雨中蕭瑟惜春光手把詩編自炷香裊裊爐烟  
凝不動捲簾歌罷獨浮觴

柴門扃雨鳩聲亂花徑封苔屐齒閒莫道山城

春黯淡春光滿眼幾開顏

初聞蛙鳴戲題

時余禁取蛙十餘年矣

活活溪聲闌亂蛙初聞鼓吹到山家十年生息  
今多少定作蟾蜍吐月華

來薰小集賞牡丹值雨醉歌

招邀只恐到來遲花滿軒前酒滿卮便欲醉眠  
紅濕處任教風雨妬淋漓

暮雨含烟織縠紋紅芳紫艷簇氤氲會逢函谷



真人度疑是蓬萊駐五雲

舊本新枝手自栽年年春色占亭臺  
輸他遊冶多豪俠藉草啣盃咲口開

蒲節病起雨中獨坐

柴扉晝啓深藏徑藥裹支羸久斷杯  
一望浮雲連海岱濛濛昏雨幾回開

歌荷不定空擎蓋壓竹穿簷半覆牆  
寂寞園葵數枝在丹心猶自待朝陽

送張宗欽使君起守越衢

里第新傳席竹符，特徵露冕入三衢。  
定知保障紆南顧，會見監門上繪圖。

籍甚聲名舊潁川，除書計日下江邊。  
九華眇眇

浮秋浦，安得移家傍九仙。

西安有九仙巖而使君先任池陽云

停車父老誦甘棠，薦藻祠前是季方。  
共說雙鳬

隨五馬鳴琴時，過蓋公堂。

使君伯兄比部推官常山百姓懷惠祠祀常乃徽尚已君友愛致薦潯以歲時修薦

姑蔑城開帶殺文，向來龜鶴自為群。  
習池峴首

俱遺愛千載風流屬使君

趙清獻衡人

直卿翰長比有西河之感走筆發笑因以

預慶

莫將遲莫怨年芳  
蘭茝三湘定晚香  
況是靈椿元不老  
八千歲月駐韶光

天教侍史伴仙郎  
掌握明珠靚晚粧  
紫玉園中春色動  
東風偏逐小旌忙

鳳毛元自鳳皇池  
苞采翩翩動紫芝  
恠底漢廷

延四皓藍田種就玉來遲

依依玉樹上林枝宛轉春風競  
葵時來歲更尋  
湯餅會隔年寫就弄璋詩

五言排律

送楊公亮使東藩便歸四明

三載共君遊玄經獨自紬問奇惟我輩抱朴更  
誰傳世事清尊罷雄心白首酬結交豈金石相  
狎逐鳬鷗謾動梁園興前驅漢使騶節旄臨海

岱詞賦逼枚鄒青社元東土遺文訪大丘晴開  
華不注濤擁太清流定見攜三秀何須擬四愁  
乾封辭禪草日觀俯滄洲望入吳門杳槎乘越  
水浮四明狂尚在太隱志堪求敢謂同然諾還  
期決贅疣依依春樹遠渺渺暮雲收仗劍長安  
道傾尊陌路頭垂楊牽別思征鳥引長眸惆悵  
終分手崢嶸有佩鉤何時明月夜豪放倚南樓

送臨淮李徹侯守番都

陳伯符代求

薊北黃塵歇東吳紫氣浮  
暫辭鰲禁直遙指鳳臺遊  
朔雪千旄淨春風幕府幽  
中軍迎總帥故里識元侯  
雄節江濤壯妖氛海島收  
尚餘搜六代猶自振千秋  
武庫詩名重家聲國士酬  
宵衣勤拊髀夙駕聽鳴騶

舟中次馮用韞贈別

聯步趨丹禁袖毫待紫垣  
千秋逢鮑叔萬卷愧陶孫  
意氣堪投膝形骸頻剖藩  
談天空碣石

問字過高軒謾擬浮槎客行歸病肺園晨星辭  
故舊落日下郊原黯淡能輕別驅馳敢忘恩雲  
迴燕樹杳帆駛浪花翻中夜頻驚夢何年更倒  
樽勉旃儀鳳沼澤雉不斲樊

次馮用韞送別寄懷汝培

同時抽秘藻獨爾吐靈芬壯士輕雕技我冠凜  
惠文常懸忠赤膽以報聖明君搃挐先除蠹  
嬰鱗卓冠群行驄避貴戚攬轡淨塵氛豺虎驅

當道鯨鯢匿海濱霜威仍歛鍰風采自揮斤愛  
客無虛日愁予眇望雲開帆千里別交臂一朝  
分後會應難卜驪歌不忍聞

乘驄燕喜為張質卿題

有小序

侍御質卿按越得代將過餘干為太夫人壽時  
次公令餘奉太夫人在馬越之士大夫既多侍  
御之功而又慶其壽母也賦乘驄燕喜以贈之  
余適使歸過越與聞休美竊附一言于末云

子舍開明府慈護暎縣花忽傳持斧使行邁就  
官衙彈壓澄清後歡娛咲語賒壽章携白雪仙



帔綴丹霞竇桂垂芳遠蟠栢祝筭遐寵光依日  
月沆瀣吸精華萊彩看同舞潘輿祗浪誇來歸  
多受社孝友樂無涯百里絃歌沸千山豸繡遮  
還朝承異數三錫聽宣麻

次荅芾斯宗侯

不奉南州訊秋風憶昨年斗牛迴望外鴻鴈落  
窓前扶杖支羸起緘題滿紙傳破顏看細札雪  
涕和長篇信是交情重兼承禮數偏平生有知

已蕭瑟未須憐

薛荔園菊譜

倚闌標菊品隨俗費平章玉帶龍袍重金錢雀  
舌長半酣擎鶴頂深態著鵝黃朝服新緋寵燕  
脂靚女妝却憐田子眼空對有心郎丹轉輕紅  
老銀傾太白光樊川真彷彿栗里得相羊野興  
懷高躅千秋此醉鄉

送邵武丞况鳳岡考績過家之官十韻

黃綬遙分竹彤庭特上書  
股肱推重佐牧守總  
清譽薦士多知己為丞  
豈負余春風趨漢殿  
晷日訊班廬錦水搖征  
旆樵嵐遲使車山高秋  
月皎雲淨海天舒異等  
旌殊伐新恩下禁除  
懸看梅國曉促入玉京  
初繡轂辭芳草雕鞍擁  
翠裾何須逢得意早已  
自吹噓

代一中上豫章范太守

露冕下天閭專城領豫  
章蛟龍迎舞棹牛斗迴

回光來莫歌聲動行春德化翔八州有佩犢闔  
境集鳴鳳寶氣珠還浦甘露帝賚良優游長孺  
閭清淨蓋公堂大道群生母虛懷百谷王芻蕘  
皆采納山藪盡搜揚堅守袁安卧空憐阮籍狂  
波臣如可活涸轍轉彭洋

寄謝憲伯李及泉

識韓輕萬戶御李羨登仙何似初傾蓋相期許  
執鞭立談如定契尊酒遂忘年秉燭春宵短披

襟客思翩星文太史奏地主使君賢龍合驚風  
雨鶯鳴襍管絃任教酬酩酊那復計流連去住  
頻牽緒江湖別問舡慙勤移画舫容與汎平川  
回首分朝靄銷魂隔暮烟幾經雲外宿獨向夢  
中憐憲府秋旻動瑤珂夜色妍彈冠方岳壯聽  
履斗牛旋願借蓬萊月金莖酌露鮮

為沈生仲潤昆季題太父壽冊時年八旬  
有一受其父符卿封命

異數延家慶重闡沐 帝恩符臺親授 璽鄉  
命累臨軒鳩杖傳扶老鸞箋欲憲言胸藏萬卷  
富世守一經存俯仰看喬梓爭難問弟第高陽  
荀氏里通德鄭公門並效靈椿祝居聯玉筍溫  
有孫皆報 國何日不窺園憶掛儒冠早寧知  
素秩尊坐稱五湖長天目弄朝暎

孟冬 太廟陪祀有述

闕宮開複道松柏駐玄陰日馭初陽近天回列

聖臨燔燎仍玉帛速偶集冠簪 警蹕曾聞昔  
趨陪實自今言歸瞻陟降攸攝奏居歆欲撰思  
成頌儲精禁蘊深

送張端叔中丞之留臺

舊國銜新命中臺列上卿浮天江沒險浴日海  
為城王氣開尊俎先聲壯甲兵指麾霜滿檄訓  
練月環營砥柱鯨波靖澄清蜃息平轅門聞饗  
士鎮府且緩岫防禦資文武安危仗老成東南

空杼柚赤白弄從橫膏雨霑春足萑符絕夜驚  
投鞭斷障葦擊楫肅鳴鉦鐘阜雲隨幟秦淮露  
拂旌簡書催就道補衣計歸程

送大司空曾見臺先生引告南還

元老三朝舊尚書八座尊辭榮頗露悃投笏叩  
天闕眷顧勤宣使徘徊獨荷恩連章回  
睿覽六翮出塵樊綠野新題寵黃金特賚溫初  
衣裁薜荔春色引蘭蓀飄駛輕鷗汎堂開舞鶴



翻乾坤雙眼在丘壑一身存閱世驚生態思玄  
恥自論風雲懸懸闕星月對盈軒不盡紆籌策  
應知繞夢覓赤松還強起未穩卧青原

典客薛公儀鳳翔先考功君采先生令孫  
也工於世業雅有聲稱因郭美命以詩

見投次韵酬贈

水鏡推先德曹郎重績司風騷雄振古經濟偃  
匡時俯仰乾坤壯扶疎奕葉垂禁池來鳳羽庭

樹接璫枝述祖天雲頌披圖輞峪詩寶呈青玉  
案寒浸碧瑠璃策足非無術銍腸故有私通家  
尋舊業傾蓋得新知吏隱招仙侶幽襟愜遠期  
莫言棲典謁為習漢官儀

送少司寇傅體元予告南還

洛下追驪日都門握別時客心驚故里世路阻  
新知吾道唯舒卷人情任信疑解嘲何事作負  
俗不堪羈移病將春棹優容荷帝私江潮連

月湧津樹入雲披  
賀監湖珠媚陶公徑  
草滋未應忘  
魏闕且自羨  
鴟夷二仲誰  
先得初襟獨  
後期願諧招隱賦  
已辦買山資

贈俞汝成督楚學

司命懸南紀持衡出尚方  
湖心涵七澤嶽色鎮三湘  
盡剖荆山璞兼披楚國芳  
雄風騷雅振白雪郢歌颺  
峽倒魚龍壯瀾迴日月光  
宮牆儼江漢軒冕對滄浪  
雨暗憐鸚鵡雲深繞鳳皇  
紫霄

仙望迥丹室禹經藏吾道慙衣鉢斯文賴葦航  
明當千里別重拂劒頭霜

送朱諧卿之留臺

並命蘭臺重分曹舊國遙行驄開西甸珥豸肅  
群僚具聖防川漬多藏燭澤消四荒通典謁百  
計奉標姚補拾裁封事澄清攬使輶丹心應獨  
苦白簡莫虛標旭旦鳴威鳳高秋運皂鵬金陵  
佳氣在回首即雲霄

七言排律

送傅體元中丞應召之越

幾年京國綴通班，十載鄉園奉咲顏。  
春醉錦樓龍卧穩，月遊仙洞鳳棲還。  
德星瑞應荀陳聚，寶氣寒冲牛斗間。  
旌節頻占來寵命，襟期長許並追攀。  
道存丘壑仍懸關，契感風雲特賜環。  
相賀洛中歸凍水，競傳江左起東山。  
主恩前後兼臺府，軍令分明靜海關。  
萬頃湖光搖紫戟，千峰

雨色徧區寰波臣那更濡窮轍蛟客從教枕  
灣側席旁求惟用舊安車一出定扶轄大鵬  
擊三千里老驥驍騰十二閑珎重勲名圖畫  
閣寂寥玄草任投閒

次用韞戲贈直卿時直卿考六年秩

學士徵蘭先奏績山公啓事賦將雛鳳毛共喜  
呈丹穴金殿携歸擁麗姝臚唱五雲開夢卜班  
聯兩省接公孤謾誇羽獵雄齊甸却恨高唐隔

楚巫稷下郢中從和寡岱宗衡嶽迥標殊早着  
晉國槐三本又見燕山桂五株諸葛有田皆種  
玉商瞿得子並欄夫風流推挽元同調戲謔狂  
諧亦合符價重連城仍抱璞光垂照乘徑藏珠  
當年鎖院雙懸鏡此際占星已象弧最近斗杓  
惟伯仲相將天步共匡扶定知奕世傳伊訓肯  
為過門問啓呱萬古家聲應繼起一經相業豈  
虛誣寧馨謾道生何物良驥兼誇產駿荒試卜

熊羆安寢簟預催湯餅飲屠蘇小  
桃李爾成詩  
識康節庭前報集鳥

襍體

集杜

落日邀雙鳥空林暮景懸  
杖藜尋晚巷恣意向  
江天吾老甘貧病人猶乞  
酒錢絺衣掛蘿薜石  
瀨月娟娟

旁舍連高竹深居賴獨園  
秋風吹几杖旭日散



鷄豚名豈文章著  
吾知養拙尊  
夜來歸鳥盡樓  
靜月侵門

山林引興長  
迥立向蒼蒼  
陰堅生靈籟  
春星帶草堂  
薄衣臨積水  
乘月坐胡牀  
一迳野花落  
風吹細細香

薄劣慚真隱  
幽居不用名  
衰年催釀黍  
半濕搗香杭  
耕鑿安時論  
漁樵寄此生  
荆扉對麋鹿  
因見古人情

一丘藏曲折水竹會平分  
楚岸收新雨山籬帶  
白雲年侵頻悵望秋興坐  
氤氲休作狂歌老全  
生麋鹿群

誕日集杜

易識浮生理乾坤水上萍  
喧卑方避俗醉舞為  
誰醒勲業頻看鏡人烟復  
此亭竹光團野色錦  
樹曉來青

人生亦有初高枕乃吾廬  
野老來看客呼兒問

煮魚幽棲誠簡略歲晚莫情踈萬事已黃髮  
鷗行烟自如

叔孔諸兄沽酒薜荔屢過酣飲集杜謾紀  
暗水流花徑亭深到芰荷草堂尊酒在回首白  
雲多

把酒意茫然行遲更覺仙  
詮詩坐回首石瀨月  
娟娟

一丘藏曲折村徑逐門成酒肆人間世幽居不

用名

落日對春華  
風前徑竹斜  
平生飛動意  
得醉即為家

自笑燈前舞  
詩成覺有神  
濁醪誰造汝  
披豁對吾真

竹光團野色  
曲水細通池  
到此應常宿  
開尊獨酌遲

亭景臨山水  
青懸薜荔長  
酒醒思卧簟  
白日到

羲皇

茅屋還堪賦陽坡可種瓜地幽忘盥櫛爛醉是  
生涯

頗恠朝叅嬾桃源自可尋綠尊須盡日莫受二  
毛侵

用拙存吾道行藏獨倚樓百年渾得醉天地一  
沙鷗

小徑升堂舊不斜且盡芳尊戀物華酒債尋常

行處有弟勸兄酬何用嗟

石門斜日到林丘萬里風烟接素秋白首放歌  
須縱酒微軀此外更何求

南國浮雲水上多洞口經春長薜蘿縱飲久拚  
人共棄幾時回首一高歌

萬竹青青照酒杯須成一醉習池回郊扉俗遠  
長幽寂但見群鷗日日来

苦熱得雨謾集杜句簡叔震兄

雷聲忽送千峰雨樓上炎天冰雪生金盤玉筋  
無消息投壺散帙有餘清階前短草泥不亂獨  
樹花發自分明肯與隣翁相對飲醉於馬上往  
來輕

暑月獨居有懷賓陽叔南墅山堂集杜代  
簡

清江一曲抱村流伐木丁丁山更幽絕壁過雲  
開錦繡石門斜日到林丘側身天地更懷古萬

里風烟接素秋南望青松架短壑  
浴鳬飛鷺晚悠悠

何處老翁來賦詩風流儒雅亦吾師  
一生自獵知無敵故國平居有所思  
萬事糾紛猶絕粒白頭吟望苦低垂  
百年地僻柴門迥清簟疎簾看奕棋

高棟層軒已自涼茂陵著書消渴長  
礪道餘寒歷冰雪疎松隔水奏笙簧  
含風翠壁孤雲細秋



日野亭千橘香乘興杳然迷出處百花潭水即  
滄浪

九日集陶

世短意常多安得不為歡提壺接賓侶悠然見  
南山崎嶇歷榛曲斗酒散襟顏百年會有役行  
止千萬端且極今朝樂從今至歲寒

鬱鬱荒山裏今生幾蘂菊良辰入奇懷隻雞招  
近局登高賦新詩迴澤散游目中觴縱遙情自

我抱茲獨世間有松喬多謝綺與角

及辰為茲遊遙瞻皆奇絕杳然天界高  
清飈矯雲翮提壺挂寒柯談話終日夕  
行行循歸路稚子候簷隙歡來苦夕短  
厭厭竟良月

涼風起將夕山氣日夕佳俯仰終宇宙  
念之動中懷秋蘭氣當馥百卉具已腓  
芳菊開林耀游雲倏無依萬化相尋繹  
一觴聊可揮

集陶四景

春水滿四澤鳥弄歡新節  
弱湍馳文魴濁酒聊自適

夏雲多奇峯壯林榮且豐  
新者向我言歸去來山中

秋月揚明輝農務各自歸  
揮盃勸孤影問君亦何為

冬嶺秀孤松負杖肆游從  
清謠結心曲何必升華嵩

了語一宗

爾時斗米新釀一吸一筭行唵自在大作豪舉  
追惟宿業種種欲行勾當輒復為苦二境不了  
揔命曰魔沃以醇醪應如是降伏乃跣足偏袒  
而作頌曰醍醐長者敲推魔王歸攝淨瓶不可  
思量如是一切莫生浪識十方供養無量壽佛